


OBSERVATIONES **52**
DE
FRVCTV ET EFFECTV
NEGOTII INV TILIS
NVLLIVS ET IMPERFECTI

AD L. XXXIIII. PR. D. DE LEGAT. I.

QVAS
PRAESIDE

CHRISTOPH. LVDOV. CRELLIO ICTO
POTENTISSIMI REGIS POL. ET PR. ELECT. SAXON
CONSILIARIO AVLICO DIGEST. VET. P. P. ORDINARIO
CVRIAE PROVINCIALIS ET SCABINATVS
ITEMQVE ORDINIS IVRIDICI
ASSESSORE




AD DIEM XLIVLII

A. Q. S. P. EST c10 1000 L

IN AVDITORIO ICTORVM

DEFENDET

IO. CAROLVS CHRISTIANVS REDSLOBIVS
IVTREBOCA SAXO



VITEMBERGAE

EX OFFICINA SCHEFFLERIANA

52.

4.1.1.



L. XXXIII. Pr. D. de Legat. I.

ULPIANVS LIB. XXI. AD SABINVM.

Plane, ubi transferre uoluit legatum in nouissimum, priori NON DEBITVR; tametsi nouissimus talis sit, in cuius persona legatum NON CONSTITIT.

I

ODIUM NULLITATIS
FAVOR IMBECILLITATIS

Ita quidem a natura facti et procreati sumus, ut animus hominis, nisi suffocatus et oppressus, diu torpere et quiescere non posse uideatur; sed semper MOſIATVR aliquid et efficere studeat, ex quo SPEM aliquam UTILITATIS FVTURAE concipiat, et fructum quandam uel ipse capiat, uel ad posterōs transmittat. Hoc consilio senex ille, apud STATIVM in *Synepbeis*,^a cum oriri omnino non posset, in exire.

A 2

^a Cic. de Senect. cap. 7.

extrema aetate, serebat arbores seculo futuro et posteritati pro-
futuras, quamuis intelligeret, fructum illarum ad se non per-
uenturum esse. Ipsa etiam diuina et perfectissima natura, sine
ullo suo incommodo, semper aliquid efficit et procurat, nun-
quam NIHIL agit, ^a sed, quae procreata sunt, fouet, recreat,
exornat et confirmat, ut perdurare et FRVCTVM ostendere et
spem utilitatis communis PROVENTV suo augere et amplificare
possint. Illud studium efficiendi aliquid, quod fructu non careat,
per totam naturam, quae uiuit et spiritum ducit, sparsum est,
ut, nisi aliquid egerint, animalia ne uiuere quidem iudicentur.
Vrsi etiam lambunt catulos et auiculae foetus suos infirmos et
debiles, cibis ore collatis et inter illos diuisis, nutriunt, algen-
tes fouent, in discrimen adductos anxie et cum strepitu ac sum-
mo suo periculo defendunt, NE FRVSTRA LABORAVERINT,
neue NIHIL EGISSE censeantur. ^b Generaliter, quod M.
TVLLIVS ^c docet, BESTIARVM IN FOETV et educatione LA-
BOREM cum cernimus, NATVRAE IPSIVS VOCEM uidemur au-
dire, cum ipsa natura nos admoneat, ne illud, quod coepimus,
IRRITVM ESSE et FRVCTV CARERE patiamur. Ex hoc fon-
te deriuata est illa CASSII ICTi et iudicis omnium opinione sa-
pientissimi iustissimique formula, qua in omnibus iudiciis ute-
batur, cum saepius interrogaret partes litigantes, CUI BONO
fuerit; quasi homo sanus nihil moliri possit sine SPE FRVCTVS
et uel SVAE, uel COMMVNIS etiam VTILITATIS. ^d

OMNES igitur laboramus, non solum ut efficiamus aliquid,
sed etiam ne NULLVM et IRRITVM sit, quod effecimus, neue
res FRVCTV illo careat, cuius spe et expectatione ad laborem ac-
cessimus. Hoc IVLIANVS et VLPIANVS intellexerunt, qui, et-
iam a ICTo, semper in ambiguo, ita interpretationem facien-
dam esse, aiunt, VT RES POTIVS VALEAT, QVAM PEREAT,
neue NVLLA atque IRRITA dicatur, illamque sententiam in-
du-

^a Cic. I. de Natura Deor. 36.

^b Quintil. Inst. Orat. Lib. II. cap. I.

^c Cic. III. de Finib. 19.

^d Cic. pro S. Rosc. Amer. Cap. 30. 31. pro T. Ann. Mil. cap. 12. et
in Orat. Philippica II, c. 14.

dubio. eligendam esse, quae *APTIOR REI GERENDAE* atque ad *SYSTINENDVM NEGOTIVM* accommodatior esse uideatur. *l. 67. D. de Reg. Iur. et l. 80. D. de Verb. Oblig.* *LABORAMVS* igitur, ne quisquam facile, qui negotium contraxit, *NIHIL EGISSE*, neuē operam omnino perdidisse, censeatur. Hoc est, quod ueteres dicebant, nullitates in iure esse odiosas, cum scirent abhorrere iudices ab illa sententia, qua negotium susceptum omnino *IRRITVM ET NULLVM* declaratur, illosque potius operam dare, ne res, bona fide gesta, careat fructu et prospero euentu. Omnes certe, si eundem *VLPIANVM* audias, qui negotia contrahunt, *SERIO EGISSE*, quod egerunt, et illius rei, quam attigerunt, *FRVCTVM* aliquem habere uoluisse iudicantur. *l. 31. §. 20. D. de Aedil. edit.* Quae cum ita sint, non solum ignoscimus *NOTARIIS*, sed ipsos etiam laudamus, si, quamuis non admoniti, instrumentis contractuum clausulas adiiciant, quibus negotium susceptum confirmetur; cum, ex *COMMVNI OMNIVM HOMINVM VOTO*, cauere debeant, ne res coram ipsis gesta *INVTILIS* sit, et *NULLA* aut *IRRITA* dicatur, *arg. d. l. 31. §. 20. D. de Aedil. Edit.*

ACCEPISTI, ex quibus causis odiosae sint nullitates *Magistris diuinæ artis nostrae*, et cur iudices operam dare solent, ne res inter partes gesta et contracta prorsus infructuosa sit, et euentu destituatur; quandoquidem *IRRITA* illa et *INVTILIA* *NEGOTIA* propemodum ipsa hominum natura auersatur. Sed ex hoc quidem *ODIO NULLITATIS* non difficile iudicabitur, cur, e contrario, negotiis *INFIRMIS* atque *MANCIS* et *IMPERFECTIS* *FAVEAMVS* potius, ne prorsus corruant et *INFIRMENTVR*. Eleganter *PAVLLVS* noster obseruauit, publice damnosum esse, si negotia bona fide gesta facile impugnentur atque rescindantur, cum *FIDES COMMERCIOIVM* corrumpatur, et multi deterreantur, ne nobiscum contrahant, si praeuideant tam facile infirmari negotia, quorum fide et uirtute omnis conuictus et societas hominum communis continetur. *l. 12. §. 1. D. de Administr. et pericul. tutor.*

IGITVR sustinemus etiam imperfecta negotia, ipsisque, si fieri hoc ulla ratione possit, FRVCTVM quendam et EFPECTVM tribuimus, ne partes contrahentes nequicquam studium et operam consumissee et perdidisse iudicentur. Ex hac causa LEO et ANTHEMIVS militiam illam togatam ADVOCATORVM in tanto pretio habendam esse censuerunt, cum hi quidem defensionis suae uirtute, LAPSA erigant, FATIGATA reparent, et laborantium SPERM, uitam et posteros defendant *l. 14. C. de Advocat. diuersor. iudicior.* Haec est fragilitatis humanae miseratio, quam PLINIVS^a cuiusque honestissimi uiri animum subire ait, ut faciles et proni simus ad opitulandum, si quid INFIRMITATE sua collabi et corrumpi uideamus. Haec est memoria illa humanae conditionis, quam MODESTIVS commendauit, et, qua impulsus, facile ignoscimus IMBECILLITATI aliorum, illamque, si res ferat, corrigimus aut confirmamus *l. 27. pr. D. de Conditionibus Institut.* Enim uero recte PAVLLVS noster, quem saepius laudauimus, illud legatum, quod ad alimenta aetatis INFIRMAE relictum sit, AD HONOREM ciuitatis pertinere docet; cum haec Magistratuum et ciuitatum praecipua cura esse debeat, ut DEBILIBVS et INFIRMIS succurrant. *l. 122. pr. D. de Legat. I.*

TANTVM igitur est ODIVM NULLITATIS, tantus IMBECILLITATIS FAVOR, ut negotia etiam DEBILIA et IMPERFECTA sustineamus, et omnes boni ad opem ferendam conuolent, si quis IMBECILLITATE lapsus et deceptus esse uideatur. In hac re obtemperandum est VOCI NATURAE:

O maior tandem parcas, insane, minori.

Videmus etiam animalia et bestias foetibus infirmis parcere, ne pereant, donec egredi et circumuolare et libero tandem coelo suaeque fiducia permitti possint. Inuitamur certe et accendimur occulto quodam stimulo naturae ad ferendam opem, si quid infirmitate sua corruat; cum illa FRACTA et IN-

FIR.

^a Plin. III. Epist. 7.

^b Horat. II. Serm. 3. uers. 325.

^c Quintill. Instit. Orat. Lib. II. cap. 7.

FIRMA magis omnino opis alienae indigeant, quam quae per se ualida sunt et perfecta et ipso uigore uirium satis sustinentur. Etiam Barbari misericordiae quodam sensu attinguntur, si uideant, in ipso seruire uictoriae, neque INFIRMIS parci, neque mulieribus, neque INFANTIBUS, neque aetate et senio confectis, quod IULIUS CAESAR obseruauit.^a Omnes enim boni honorificentius esse credunt pepercisse, cum perdere potuisses, quam perdere, cum parcere omnino potuisses.^b Saepius igitur uidemus accidere, ut quibusdam non minus pro sint sua CALAMITAS et res afflictae, quibus omnes boni opem ferre student, quam aliis prosperi successus, quos plerumque odium et inuidia sequitur. Optime M. TVLLIUS illos, qui INFIRMITATE aliqua lapsi sunt, non tam animaduersione et ultione quadam dignos, quam uel MISERANDOS esse potius, uel IRRIDENDOS, iudicauit.^c Nimirum multae nos causae impellunt, ut infirmitati facile parcamus. Ipsa recordatio tot offensionum et errorum, quibus quilibet bonus interdum lapsus est, nos docet, ut in aliis feramus, quod in nobis olim ferri ac tolerari uoluimus: ipsa etiam MISERATIO blandius, quam ira et indignatio, nos afficit: multi, quia se propius ad perfectionem accedere existimant, sibi plaudunt atque gratulantur et sensu quodam tacitae uoluptatis emolliti infirmioribus ignoscunt: denique, cum infirma ac IMPERFECTA negotia, si M. TVLLIO credimus,^d plerumque CONATVM rei maioris contineant, et spem futuri temporis ostendant, etiam INFIRMA et sublapsa potius subleuanda quam destruenda esse iudicamus. Humanissime APOLLINARIS SVLPICIUS apud Gellium^e adolescentem quendam, qui sermonem eruditorum hominum de Catone interpellauerat et sua immiscuerat, LAUDAUIT, quod auditiuncula quadam de Catonis familia adpersus fuerit, quamuis ignoreret caput eius controuersiae, quam illi agitabant.

IGNO-

- ^a Iul. Caesar. VII. de Bell. Gall. 28.
- ^b Cic. pro Quint. c. 16.
- ^c Cic. I. de Orat. c. 37.
- ^d Cic. in Orat. cap. 29. in fin.
- ^e Gellius XIII. Noct. Attic. 19.

IGNOSCIMVS igitur infirmitati aliorum, et interdum cum VOLVPTATE in illam intuemur. Enim uero FABIVS QVINCTILIANVS^a ad officium oratoris pertinere ait, ut interdum COM- MENDET INFIRMITATEM illius, quem defendit. In INFANTI- BVIS certe hoc maxime AMABILE censetur, si, annis adhuc in- nocentibus, DIMIDIATA uerba tentant; cum uoces eorum, ipso offendentis linguae fragmine, DVLCIVS aures afficiant, et iucundiores esse censeantur.^b Hinc profectum est illud apud ueteres:

Heu miserande puer - - -
et

- - - miserabilis infans.^d

qua appellatione affectum, quo ipsa infirmitas nos trahit, pro- diderunt. Ex eo fonte profluxerunt lacrymae illae, quibus pa- rentes subinde infantes DVLCISSIMOS,^e INNOCENTISSIMOS,^f MELLITISSIMOS,^g INCOMPARABILES,^h et si qua spes maior emicuiſſet, pueros SAPIENTES,ⁱ et SUPER-AETATEM NOBILISSIMO INGENIO PRAEDITOS,^k SIMILES DEO,^l NON SI- NE DIIS ANIMOSOS^m defleuerunt, quod antiqua marmora testantur. Neque alia ratione motus est PAVLLVS, ut RVSTI- CITATI quorundam parcendum esse iudicaret. *L. 2. §. 1. D. si in ius uocat. non ier.* cum et haec prodat uel infirmitatem animi, uel consuetudinis uitium, quod interdum culpa uacat.

Ex.

^a Quinsil. Instit. Orat. Lib. III. c. 1.

^b Minuc. Felix in Octauiano cap. 2.

^c Virgil. VI. Aeneid. uers. 882. et X. Aeneid. uers. 825.

^d Ouid. Epist. 7. uers. 135.

^e Gruter. Op. Infer. Tom. I. p. 704. n. 8. p. 535. n. 4. p. 629. n. 7. p. 681.

n. 2. p. 710. n. 3.

^f Id. Tom. I. p. 671. n. 13.

^g Id. Tom. I. p. 675. n. 13.

^h Id. Tom. I. p. 682. n. 9.

ⁱ Id. Tom. II. p. 1057. n. 2. p. 1055. n. 4.

^k Id. Tom. II. p. 1037. n. 7.

^l Id. Tom. I. p. 717. n. 11.

^m Horat. III. Carm. 4. uers. 20.

EXTREMO, ne quid omittam, ipsa natura, quae in minimis maxima est, quaedam animalia et opera debilia et infirma edidit, non, ut contemnantur et opprimantur, neque ut prorsus INVILIA ET INFRUCTVOSA sint, sed ut ipsa foueantur et, quamvis imperfecta sint, tamen aliquando prosint et pariant aliquam utilitatem

II

NULLVM ET IMPERFECTVM

DVPLICI SENSV ACCIPITVR.

QVAE PLENUM AFFECTVM VOLVNTATIS NON HABENT
PRORSVS NULLA SVNT ET INFRUCTVOSA.

NEQVE TAMEN RES NULLA ESSE PRAESVMITVR

Satis, credo, comprobauimus, odiosas esse nullitates, quas dicunt, et, si qua fieri hoc possit, negotia etiam IMPERFECTA et INFIRMA sustineri. Neque tamen hoc perpetuum est. Igitur, ne quis labatur, expediamus, QVO SENSV quaedam NULLA ET IMPERFECTA appellentur. Generaliter enim, quae uel uim nullam habent, uel postea illam perdunt, NULLA, IR-
RITA, NON RATA, CADVCA, INVILIA dicuntur, quod BARNABAS BRISSONIVS notauit. ^a Sed apparet, haec esse diuersi generis: quaedam enim NULLA ET IMPERFECTA sunt, quia, quod DECIVS Imperator ait, PLENUM ANIMI AFFECTVM NON HABENT. *l. 3. C. de acquir. et resin. poss.* Hoc est, quae magis coepta sunt, quam expedita, et quae conatum et umbram rei, quod M. TVLLIVS notat, ^b magis, quam rem ipsam, continent, ut nondum constet de SERIA VOLVNTATE illorum, qui negotium gerendum susceperunt; quaedam, contra, seria quidem uoluntate gesta sunt, sed ita tamen, ut FRVCTVS PLENVS NEGOTII IMPEDIMENTO QVODAM INTERCIPIATVR.

B

SED

^a Brisson. de Formulis Lib. 1. n. 167.

^b Cic. in Orat. cap. 29. in fin.

Sed illa quidem, de quibus primo loco diximus, QVOD PLENVM ANIMI AFFECTVM NON CONTINEANT, etiam INFIRMA ET NVGATORIA dicuntur. * Tractauerunt eiusmodi speciem SERVIVS et VARVS et LABEO et IAVOLENVS. l. 25. *D. qui testam. fac. poss.* Disputant enim de testatore, qui, cum testamentum faceret, heredibus primis nuncupatis, PRIVS QVAM SECVNDOS EXPRIMERET HEREDES, OBIVTIVS SET: sed SERVIVS et LABEO responderunt, COEPISSSE illum magis testamentum facere, quam fecisse, ideoque illud nullum, nec heredes primos omnino heredes futuros, dummodo constaret, testatorem plures heredes pronunciare voluisse. Habes testamentum, in quo incertum est, ad quos velit testator HEREDITATEM TOTAM pervenire. Illa enim demum ultima voluntas plena appellatur, ex qua apparet,

- - - QUID PRIMA SECVNDQ

CERA VELIT VERSV, SOLVS, MVLTIS NE COHERES. * Igitur, si plures nuncupare voluit testator, non videtur plene significasse, ad quem velit universitatem rerum suarum transferri. Quamvis enim intelligatur, quod partem aliquam hereditatis ad heredes primos pertinere voluerit, tamen quoniam partem hereditatis testator heredibus primis destinaverit, haberioliari nemo potest, nisi omnibus coheredibus a testatore nominatis. Huic non dissimile est illud, quod IUSTINIANVS habet, cum testator veller quidem testamentum facere, sed morbi acerbitate ita affectus esset, ut neque scribere posset neque articulare eloqui nomina heredum: hunc enim magis PRO MORTVO HABENDVM esse censuit IUSTINIANVS l. 29. C. *de testam. et quemad.*

ITAQVE intelligis, si de plena voluntate agentis non constiterit, actum OMNINO NVLGVM ET IMPERFECTVM esse, ut satisfieri penitus aut interpretatione sustineri nequeat, ideoque INFRVCTVOSVM ESSE, quicquid molitus fuerit testator. Sed oppor-

* Cic. pro A. Caecina cap. 23.

* Horat. II. Serm. 5, vers. 53. 54.

opportune addit LABEO, tunc hoc uerum esse, si CONSTET, plures eum heredes nuncupare uoluisse *d. l. 25. D. qui testam. fac. poss.* ex quo loco cognoscimus, non facile PRAESUMI negotium omnino nullum, sed CONSTARE debere, quod uoluntas non fuerit perfecta. VLPIANVS enim auctor est, etiam tribus uel quinque uerbis; LVCIVS HERES ESTO, fieri testamentum posse, si nullo probabili indicio prodatur, plura adiacere uoluisse testatorem. *l. 1. §. 3. D. de Hered. Inst.* At uero magis generaliter IULIANVS et MARCELLVS in ambiguo illam interpretationem praefecerunt, per quam uoluntas obscura sustinetur. *l. 12. et 24. D. de Reb. dub.* Et si res aliter extricari non possit, PAVLLVS, ex consuetudine testatoris et regionis coniectura probabili eruendum esse, ait, de quo senserit testator. *l. 18. §. 3. D. de Instruct. uel. instrum. legato.*

QVAE cum ita sint, apparet, in ambiguo quidem PLENAM, non IMPERFECTAM, uideri testatoris uoluntatem; sed, si plane intelligi nequeat, omnino NULLAM et INFRUCTUOSAM esse. Hinc TRAIANVS rescripsit STATILIO SEVERO, quod etiam in TESTAMENTO MILITIS utique constare debeat, testatorem, conuocatis hominibus, facere omnino uoluisse testamentum, cum ipsorum testatorum interfit, ne illa, quae OBITER dicta sunt, temere pro testamento militis accipiantur, et uera illorum iudicia iocoso forte sermone, qui ipsis aliquando exciderit, subuertantur. *§. 1. Inst. de Testam. milit.* Eandem rationem etiam VLPIANVS secutus est, qui, duobus testamentis conditis, prius ualere ait, si posterius non sit perfectum *l. 2. D. de Iniustorupt.* cum IMPERFECTA uoluntas posterior ne quidem sufficiat ad prius testamentum reuocandum.

VIDES igitur, ne in testamentis quidem, quorum maximus fauor est, imo uero, ne in testamento militis quidem, quod multis priuilegiis sustinetur, ratum esse, quod testator dixit, nisi constet de uera testatoris uoluntate, idque constitutum esse, ne falsa et iocosa iudicia pro ueris temere accipiantur. Sed his quidem talibus nulla afferri medicina potest, ideoque ea prorsus infructuosa sunt, et quasi nunquam facta

pro nullis et irritis habentur. Vnum tamen admonendum est, in testamentis non praesumi illam nullitatem, neque probabile esse, quod testator in tanto solennitatis apparatu NIHIL AGERE uoluerit et in ipso mortis articulo nugari. Hinc IMPOSSIBLEM etiam CONDITIONEM, sub qua heres institutus est, PRO NON ADIECTA potius habemus, et institutionem quasi puram accipimus, ne testator nugatus esse iudicetur *l. 1. 6. et 20. D. de Condit. Instit.* Contra, ut diximus, si manifestum sit, actum fuisse NUGATORIUM et imperfectum, aut contraria et inter se pugnantia continere, nihil actum iudicamus. Igitur negotiis inter uiuos, iisque minus solennibus, in quibus facilius iocum admittimus, NIHIL omnino ACTVM dicitur, et tota res inutilis uidetur, si IMPOSSIBILIAGUR inter se pugnantia negotio contineantur, quod MAECIANVS obseruauit *l. 31. D. de Oblig. de action.*

III

NEGOTIUM IMPERFECTUM
 QUOD PLENAM VOLUNTATEM CONTINET
 SI LEGE PROHIBENTE SUSCEPTUM SIT
 AUT PER IVRIS IGNORANTIAM CORRUPTUM
 ALLEGANTI NON PRODEST
 INTERDUM TAMEN TERTIO.
 HAEC NEGOTIA NONNUMQUAM
 CONTRA VOLUNTATEM AVCTORIS
 INTERPRETAMUR.

Exposuimus de uoluntate imperfecta, quae non plenum effectum habet, adeoque irrita est et nugatoria, et fructu caret. Sed haur paulo fecius de illis iudicandum est, in quibus APPARET quidem, de quo illi, qui negotium contraxerunt, SENSERINT, alio autem impedimento infirmantur, ut plenum omnino fructum non habeant, neque respondeant illius, qui negotium suscepit, uoluntati. Haec talia enim uel propter LEGIS PRO-

HIBITIONEM non subsistunt, et TURPITUDINEM aliquam continent, aut certe iuris ignorantiam produnt, quae et ipsa turpis est, uel alio defectu et uitio debilitantur. Prius igitur de his uideamus, quae TURPITUDINEM aliquam continent, et uel lege prohibente facta sunt, uel IURIS IGNORANTIAM et contentum indicant. Sed disputatione uix indiget, quae TURPITER gesta sint, auctori suo non prodesse, neque credendum esse illi, qui propriam turpitudinem alleget. Hoc enim LABEO, PAVLLVS, MARCELLVS atque VLPIANVS tradiderunt. *l. 2. et 4. D. de Condict. ob turp. caus.* Sed luculentius Imperatores THEODOSIVS et VALENT. omnia, quae LEGE PROHIBENTE contracta sint, non solum INVUTILIA, sed etiam PRO INFECTIS HABENDA ESSE, praeceperunt, quamuis ipsi legi prohibenti non adiecta sit poena nullitatis. *l. 5. C. de Legib.* Haec igitur auctori suo non profunt, neque ullum fructum, neque actionem pariunt, sed, quantum ad auctorem turpis negotiū attinet, PRO INFECTIS penitus accipiuntur. Ante aliquor annos ex uicina quadam Academia ICris Virembergensis oblata est eiusmodi species, in qua caupo, contra Statuti prohibitionem, hospiti et conuictori suo ultra mensis spatium fidem habuerat de pretio pro alimentis menstruis promisso. Constitutum enim erat, ne adolescenti Studioſo pretium alimentorum et conuictus ultra mensem crederetur. Caupo, qui per integrum annum alimenta dederat, pretio non exacto, anni integri pretium postulabat. Reus excipiebat, se NULLITER, hoc est, nequicquam epulatum esse, cum LEGE PROHIBENTE sibi fides habita fuerit a caupone Actor inuocabat Deorum et hominum fidem, seque ex penore consumto satis intelligere clamitabat, quod non NULLITER, sed VERE et LAVTE epulatus sit conuictor suus. Nos autem actorem ab actione reuulimus, quia fidem habuerat hospiti contra legem prohibentem, et quia infectum uidebatur illud negotium, quod propriam turpitudinem actoris contineret, ideoque ipsi in iudicio prodesse non posset. Ita reus opimam praedam, decem mensium alimenta gratis, nullo pretio exsoluto, abstulit.

NIHIL igitur AGIT, qui CONTRA LEGEM PROHIBENTEM aliquid negotii molitur; sed hætenus duntaxat, ut ipsi auctori non profit, quod gestum est; cum ex aduerso CONTRA IPSUM turpitude eius efficaciter omnino allegetur, eripsetiam de damno sarciendo teneatur. Hoc enim iure utimur in omnibus delictis, et luculenter illud docent PAVLLVS, IULIANVS atque VLPIANVS. *l. 1. et 2. D. de Condict. ob turp. caus.* Elegantissime hoc CASSIVS et PAVLLVS obseruarunt. Si quis enim DOLO renunciauerit societati, hic quidem socium a se, non uero se a socio, liberabit, sed communicare lucrum cum socio debebit, lucro autem, quod socius postea acquisierit, carebit. *l. 65. §. 3. D. pro Socio.* Hic igitur dolosam renunciationem allegare non poterit, si socius lucrum commune petierit, sed contra ipsum socius efficaciter excipiet de renunciatione facta, si ipse lucrum postulauerit, quod socio postea obuenit. Non multum uero ab his recedunt, quæ per ignorantiam IURIS et neglectis substantialibus partibus a lege præscriptis etiam temere susceptæ sunt. Hæc enim ipsa etiam TURPITUDE NON CARENT. PAVLLVS certe IUS IGNORARE NON PERMITTIT. *l. 1. D. de iur. et fact. ignor.* et PAPINIANVS, IGNAVIAM suam prætexentes non audiendos esse, ait, *l. 78. §. 2. D. de Leg. II.* et IUSTINIANVS, DESIDES HOMINES AC IURIS CONTEMPTORES ODIOSA EXCEPTIONE REMOVENDOS ESSE, affirmat. *l. 3. in fin. C. de Annal. Except.*

IMO uero, etiam CONTRA VOLUNTATEM contrahentis, qui per iuris ignorantiam solennia neglexit et lapsus est, aut TURPITER quid fecit, negotium interpretatur. Eo pertinet, quod, si quis, per nouationem, illud, quod alius debebat, sine tutoris auctoritate a pupillo stipulatus sit, REM AMITTAT, eum posterior nouatio, neglecta tutoris auctoritate, sit INUTILIS, ET PRIOR OBLIGATIO PER NOUATIONEM, QUAMVIS NULLA ET INUTILEM, SVBLATA SIT, ideoque creditor, neque a priore debitore, qui per nouationem liberatus est, rem suam possit repetere, neque a pupillo, cum quo NULLITER contraxit, *§. 3. Inst. quibus modis toll. oblig. l. 1. §. 1. D. de Nouat.*

Ex

Ex eadem iuris regula descendunt illa, quae modo de DOLO-
SA renuntiatione societatis diximus, quam CONTRA VOLUN-
TATEM renuntiantis socii ita interpretamur, ut ipsi haec noce-
at, non socio, quem ipse per dolum a se liberauit d. l. 65. §. 3.
D. pro socio. In his speciebus creditor et socius idem patiun-
tur, quod canis ille apud Phaedrum, qui

. . . carnem dum ferret natans,
Lympharum in speculo uidit simulacrum suum,
Aliamque praedam, ab alio ferri putans,
Eripere uoluit, uerum decepta auditas,
Et, quem tenebat ore, dimisit cibum,
Nec, quem petebar, potuit adeo attingere.

NOVISSIME ante aliquot menses ICri Vitembergenses
causam non dissimilem tractauerunt. Proponebatur, Carfa-
niam defunctam PACTA DOTALIA cum marito iniisse, ius au-
tem uariandi et aliter de rebus suis disponendi sibi reseruasse, et
postea condidisse testamentum, in quo a pactis dotalibus dis-
cesserit, et res quasdam haereditarias, marito antea in pactis
dotalibus promissas, heredibus suis reliquisse. Heredes exte-
stamento hereditatem petierant a superstite marito, sed repulsi
erant, quia VITIOSVM erat testamentum et, propter defectus
quosdam, pro NVLLO atque INFECTO habitum fuerat. Igitur he-
redes, mutata actione, ex PACTIS DOTALIBVS illa petenda esse
censuerunt, quae in pactis illis, ante testamentum initis, non
marito, sed heredibus uxoris assignata erant. Ordo noster
quidem etiam ab hac actione heredes depulit, et iussit illos se-
cundum Statuta loci succedere, cum pacta dotalia, reseruato
iure uariandi, per testamentum subsequutum, quamuis hoc
NVLLVM ET IMPERFECTVM fuerit, REVOCATA ESSE CENSE-
ANTVR, ideoque neque ex pactis dotalibus, neque ex testamen-
to, agi possit.

101.

IGITUR testamentum illud NULLVM, contra uoluntatem testatricis, interpretati sumus, ut heredes non solum ex testamento nihil acciperent, sed neque ex pactis dotalibus fructum caperent, quem illis sine dubio testatrix reliquisset, si potuisset praecuidere infirmatum iri testamentum suum. In qua re eandem rationem secuti sumus, qua ULPIANVS et IUSTINIANVS ufi sunt, *l. 34. pr. D. de Legat. l. et §. 1. Inst. de Ademption. Legator. et translat.* Hi enim TRANSLATIONEM legati, neglectis solennitatibus, INUTILITER factam, tamen ut ADDECTIONEM LEGATI ualere censuerunt; quando quidem, qui rem Titio legatam in lauolenum transferre uoluit, certe Titio nuda uoluntate efficaciter adimere uoluit legatum, quamuis, propter sollemnitatem neglectam, ipsa translatio legati per se non fructuosa sit, sed inutilis et nulla habeatur. ^a Legatum igitur manebit in hereditate contra uoluntatem testatoris, qui lauoleno prospicere uoluit, non heredi.

ITAQUE, quae propter ignorantiam Iuris et neglecta solennia pro infectis habentur, aut turpiter facta sunt, tamen aliquando uim quandam et interpretationem accipiunt contra uoluntatem eius, qui negotium suscepit.

NON alienum ab hoc loco est, quod POMPONIVS ait, FRUCTVARIVM, qui usum fructum EXTRANEO CEDAT, NIHIL AGERE, cum ius illud ad personam ipsius restrictum sit, sed PERIRE VSUM FRUCTVM, atque ad proprietarium reuerti *l. 66. D. de iure dot. vid. l. 15. D. Famil. ercisc.* Vides, cessionem, Nullo iure factam, CONTRA VOLUNTATEM CEDENTIS ita accipi, ac si cedens RENUNCIAVERIT iuri suo, quod LEGE PROHIBENTE in alium transferre uoluit, quamuis ad hunc nihil perueniat ex illa cessione. ^b Eodem iure de FEVDIALI ENATIONE ILLEGITIMA solemus iudicare. Si enim Vassallus in alium transferre Feudum uoluerit sine consensu domini directi, NIHIL ad EMTOREM perueniet, cum uenditio CONTRA LEGEM PRO-

^a uid. Praefidis Dissertatio: *Quomodo legatum nuda uoluntate adimatur.*
^b Vinn. in Comment. ad §. 3. Inst. de Usufruct.

PROHIBENTEM facta PRO NVLLA habeatur; sed ipse feudo PRIVABITVR, quasi RENVNCIAVERIT iuri suo per ILLICITAM uenditionem, *II. F. 44. et 55.* quod etiam Germani nostri probauerunt. *Ius Feud. Al. cap. 26. Ius Feud. Sax. art. 19.*^a

AB eadem iuris regula profectum est, quod MODESTINVS et PAPINIANVS responderunt: si quis rem, alii legatam, postea DONAVERIT uxori, quamvis INVTILIS sit DONATIO, tamen legati reuocationem inutili illa donatione contineri: ut neque uxor, cui donatum est, neque legatarius rem accipiant, sed haec apud heredem maneat contra uoluntatem testatoris *l. 18. et 24. §. 1. D. de Adimend. uel. transfer. legat.* Idem VLPIANO in mentem uenit. Hic enim *l. 6. D. de Reg. Iur.* cum, qui hereditatem in alium transferre uoluerit, negat HEREDEM FIERI VOLVISSE, quia consilium transferendi cum repudiatione hereditatis coniunctum esse uideatur. Igitur nec ipse heres erit, neque ille, ad quem ius suum transferre uoluit; sed successioni ab intestato locus erit CONTRA HEREDIS VOLUNTATEM.

OPPORTVNE idem VLPIANVS alio loco praecipit, cum, qui testamentum tanquam inofficiosum IMPROBE IMPVGNAVERIT, illud amitteret, quod ipsi legatum erat in eo testamento. *l. 8. §. 14. D. de inoffic. testam.* Ex quo loco apparet, querelam inofficiosi, quamvis IRRITA fuerit, et quamvis actor uictus fuerit et depulsus a querela, tamen VIM ALIQVAM HABERE, et efficere, ut actor legato suo excludatur, quod non repudiaturus fuisset, si sciuiisset, querelam inofficiosi irritam futuram.

SED de his speciebus deinceps locus erit exponendi.

C

III

IIII

NEGOTIA

QVAE DVOS ACTVS PERFECTOS CONTINENT
VNA PARTE INTERDV M VALENT

EX ALTERA PARTE INFIRMANTVR

QVOD LOCVM HABET ETIAM IN NEGOTIIS

QVAE AD IVS PERSONARVM PERTINENT.

ACCEPISTI negotia, quae plenum quidem affectum voluntatis habent, sed propter legis prohibitionem aut defectum solennitatis et ignorantiam iuris infirmantur. Superest, ut de ALIO IMPEDIMENTO uideamus, quod efficit, ut etiam perfecta voluntas FRUCTVM PLENVM nancisci nequeat, sed duntaxat ex parte aliqua sustineatur. Hoc accidit in illis negotiis, QVAE PLVRES ACTVS PERFECTOS CONTINENT, quorum quilibet diuersam substantiam desiderat, si uelimus eum ad PLENVM FRUCTVM peruenire. In his igitur, si SOLENNIA SUBSTANTIALIA, quae ad unam partem requiruntur, deficiant, sed obseruata tamen sint illa, quae ad alterum actum PERFICIENDVM pertinent, pars posterior sustinebitur, pars prior NULLA ET IRRITA dicitur. Vt, ecce, si quis uelit testamentum condere, quod et heredis institutionem et legata continere debeat, sed quinque testes duntaxat testamento adhibeat, legata, quasi ex codicillo et fideicommissio, efficaciter petentur, heredis autem institutio infirma est; cum haec septem testes desideret, quinque autem sufficiant ad codicillos, legata et fideicommissa.

QVAEDAM igitur negotia plenam quidem voluntatem habent, sed pro parte tantum sustinentur, ex altera parte CLAVDICANT, et per impedimentum aliquod iuris INFIRMANTVR. Haec talia, quamuis regantur PERFECTA VOLVNTATE, tamen

IMPERFECTA sunt, et pro parte quidem NULLA atque IRRITA dicuntur, neque uero PRORSUS INFRUCTUOSA sunt, sed utilitatem aliquam pariunt, FRUCTV autem PLENO, quem contrahentes sibi proposuerant, destituuntur. Vix locus est dubitationi, quin haec negotia claudicantia possint NULLA et IMPERFECTA appellari. M. TVLLIVS enim illud demum PERFECTVM dicit, quod EXPLETVM est,^a et omnibus numeris ABSOLVTVM,^b et cui NIHIL ADDI POSSE uideatur.^c

IGITVR imperfectum est, quod ex parte aliqua claudicat, et cui aliquid deest ad plenissimam utilitatem. Sed haec IMPERFECTA etiam NULLA appellantur, quia non implent auctoris sui uoluntatem. §. 7. *Inst. Quibus mod. testum. infirm.* Operae pretium fuerit inuestigare, quem fructum et effectum ex negotio IMPERFECTO expectare posse uideamus. At uero in negotiis quidem, quae ad IUS PERSONARVM ET FAMILIAE referuntur, quamuis haec, maxime propter sacrorum perturbationem, multas solennitates desiderauerint, tamen liberales fuerunt Architecti legum Romanarum, ut, si haec negotia PLURES ACTVS PERFECTOS CONTINERENT, ipsa quidem subsistere iudicarentur ex illa parte, QVAE NULLAM SOLENNITATEM DESIDERAT, quamuis pars altera, propter defectum solennitatis, infirmetur. Bene enim apud CATONEM scriptum esse refert antiquitas, eum seruum, quem dominus, actis interuenientibus, FILIVM SVVM NOMINAVERAT, LIBERVVM fieri, licet ei hoc ad ius filii accipiendum non sufficiat §. 12. *Inst. de Adoption.*

HABES negotium, quod duos actus perfectos continet. Dominus enim seruum suum ADOPTARE in locum filii uoluerat, adeoque etiam LIBERTATEM ipsi DARE non detrectauerat,

C 2

cum

^a Cic. II. de Fin. c. 15.

^b Cic. I. de Orat. 28. et II. de Natur. Deor. 13.

^c Cic. in Orat. cap. I.

cum nemo iura filii et familiae consequi possit, nisi qui libertate sit donatus. Prior actus ADOPTIONIS inutilis et nullus videbatur, quia seruum duntaxat NOMINAVERAT filium suum, quod ad obrinendum ius filii, nulla solennitate adhibita, non sufficiebat. *l. 13. 14. C. de Probat.* Sed secius de parte posteriore illius actus iudicabimus, qua testator, cum seruum filium esse uellet, etiam libertatem illi dare uoluisse censetur. Nimirum LIBERTATIS DATIO, cum NV DAM VOLVNTATEM, nulla autem solennia, desideret, SOLA NOMINATIONE FILII continebatur. *l. un. §. 1. et 2. C. de Lat. libert. tollend.*

IGITVR appellatio filii non habet uim adoptionis, sed ualet ut manumissio, sine qua seruus adoptari non potest. Oppor- tunc enim PAVLLVS et VLPIANVS monuerunt, eum, qui PLUS possit et uelit, etiam MINVS posse, et uoluntate sua comprehendere, cum semper sub maiori etiam minus contineri uideatur. *l. 21. 26. 110. pr. 163. 165. D. de Reg. iur.*

GENERALITER igitur, si actu principali et maiori minus aliquod comprehendatur, quod omnibus numeris suis perfectum et absolutum est, hoc MINVS fructu et effectu non destituitur, quamuis PRINCIPALIS actus plenam substantiam non habeat, et propter defectum solennitatum, aut alia ex causa, infirmetur. *l. 11. in fin. D. de Liber. et posthum.* Vnum duntaxat admonemus, si minor actus speciatim exceptus sit, ne sub actu principali comprehendatur, aut si conditio adiecta sit, ut ne minus quidem ualeat, nisi maius et principale negotium subsistat, tunc neutrum efficaciter allegari. *l. 7. §. 3. de Reb. eor. qui sub tut.*

IN ceteris igitur speciebus, nisi aliud actum fuerit, sub maiori actu, qui solennitatem desiderat, etiam minor comprehenditur, cuius substantia salua est, quamuis principalis actus nullus et irritus dicatur. Sed res disputatione uix indigeret, nisi PAVLLVS noster turbas daret, et sibi ipsi contrarius esse uide

uideretur in hoc argumento. Idem, inquam, ille PAVLLVS, qui antea in maiori semper etiam minus inesse dixerat. *l. 110. D. de Reg. iur.* mox, mutata ratione, praecipit, si principalis causa non subsistat, ne ea quidem VALERE, QVAE SEQUANTVR. *l. 129 et 178. D. de Reg. iur.* Videtur igitur PAVLLVS omnino infructuosum iudicare negotium, in quo causa principalis non subsistat. Sed certius est, PAVLLVM non locutum esse de negotiis duobus perfectis et separatis, quae uno actu continentur, sed de his duntaxat, QVAE sequuntur, tanquam EFFECTVS ET INSTRUMENTA causae principalis. Effectus enim et instrumenta corruunt, si causa deficiat, ex qua effectus dependet, et propter quam media et instrumenta comparantur. Secius igitur iudicandum, si uno actu duo negotia perfecta et separata, quorum utrumque per se vim suam habere et subsistere potest, comprehensa fuerint. In his enim regulam iuris sequimur; quod VILE per INVILE non uirietur, et quod sub MAIORI MINVS etiam intelligatur.

IGITVR negotium principale inutile vim tamen negotii minus principalis, sub eo comprehensi, sine dubio habebit, si modo solemnia minus principalis negotii salva sint, et perfectam ostendant voluntatem. Quare efficitur, ut etiam adoptio inutilis, prout docuimus, valeat tanquam manumissio, quae nullius solennitatis indiget, atque ipsa adoptione continetur. Non dissimilem speciem tractavit PAVLLVS *l. 132. D. de Verbor. Oblig.* in qua quis filium alterius absque solennitate hac formula susceperat: SE EVM NON ALITER QVAM FILIVM OBSERVATVRVM ESSE, et poenam stipulationi adiecerat, quam oluturus esset, si ipse defereret officium parentis. Haec enim stipulatione, quamvis ius filii non acquiratur, ideoque haec adoptio nulla sit, hoc tamen efficitur, ut filius, ita susceptus et NULLITER adoptatus, temere domo expelli aut exheredari et excludi emolumentis filii non posse uideatur. Et hoc quidem iure utimur, si ad statum personarum pertineat negotium susceptum.

DE FRVCTV ET EFFECTV

V

NEGOTIA

QVAE AD IVS RERV PERTINENT
IN PRIMIS VLTIMAE VOLVNTATES
ET VSVCAPIONIS TITVLVS
EX PARTE INTERDVV VALENT
SI PARS QVAEDAM SIT PERFECTA.

Superest, ut de IVRE RERV exponamus, et inprimis de VLTIMIS VOLVNTATIBVS et de usucapione, cuius beneficium contendimus ad ius reale consequendum. Non ero ver-
bositus in re manifesta. Superiori enim capite comprobatum est, in ambiguo eam interpretationem eligendam esse, cuius ope res potius SVSTINEATUR quam infirmetur *l. 12. et 24. D. de Reb. dub.* Non attingam, quae de CLAVSULA CODICILLARI a multis copiose tradita sunt. * Constat enim inter omnes, illam efficere, ut testamentum, detracta quarta Trebellianica, valeat ut codicillus ab intestato, vel ut fideicommissum, quamvis deficient solennitates testamenti; dummodo illa non neglecta sint, quae ad formam substantialem codicilli et fideicommissi requiruntur. Vnum VLPIANVS monet, quod testamentum non valeat ut codicillus, si testator NON VOLVERIT supremum iudicium suum valere iure codicilli *l. 1. D. de Iur. Codicillor.* Sed in dubio, ut diximus, praesumitur enixa voluntas testatoris, ut quacunque ratione valeat omnino testamentum. Igitur VLPIANVM in *lege 1. de Iure codicillorum* de illa specie duntaxat interpretor, si testator expresse et luculenter declaraverit, quod nolit omnino successor ab intestato hereditatem suam attingere, cum hoc necessario fieret, si testamentum valeret iure codicilli.

SED omittere non possum, quod SCAEVOLA *l. 76. D. ad SCtum Trebel.* tractavit. Ait enim, si pater filio heredi instituto PVFILLARITER SVSTITVERIT in codicillis, inutil-
lem

lem quidem esse substitutionem, cum pupillaris substitutio septem testes desideret et omnem solennitatem perfecti testamenti; tamen benigna interpretatione receptum esse, ut hereditas substituto, *QUASI EX FIDEICOMMISSO*, debeat. Ex hoc loco enim intelligitur, substitutionem *INVILEM*, ut omnia testamenta *IMPERECTA*, non prorsus vim suam perdere, si forma substantialis fideicommissi non neglecta sit in suprema testatoris voluntate.

SED maxime in *LEGATORVM* interpretatione obtinuit, ut, quamvis imperfecta, benignius accipiantur, ne pereat beneficium a testatore liberaliter relictum. Eo pertinet, quod si legatum sit Sempronio amico, et plures sint Sempronii amici, legatum illi relictum censeatur, qui maiore caritate et iure familiaritatis arctiori cum testatore coniunctus fuerit, quamvis imperfecta sint verba testatoris *l. 10. pr. D. de Reb. dub.* Magis meretur observari, quod heres, qui iussus sit *REM ALIENAM REDIMERE* et legatario praestare, si redimere nequeat, *AESTIMATIONEM* seu *PRETIUM* illius rei legatario praestare teneatur; cum appareat, testatorem, dum rem alienam redimi voluit, quamvis redemptio sit impossibilis, tamen voluisse pretium seu rem eiusdem pretii ad legatarium omnino peruenire. Hoc enim *GAIUS* noster docet *l. 14 §. 2. D. de Leg. III.* Dicemus igitur, legatum, cuius praestatio *IMPOSSIBILIS* EST, per se quidem infirmum atque nullum esse, sed eatenus tamen valere, quatenus sub *MAIORI* legato etiam *MINVS* continetur. Cum itaque aestimatio sit res minor, quam ipsa res legato comprehensa, tamen minus illud, hoc est, aestimatio, debetur, ut ita satis fiat voluntati testatoris.*

GENERALITER IUSTINIANVS, mentem testatoris inspicendam esse, ait, non haerendum esse in verbis, ut ne vitium quidem *TABELLIONIS* heredi aut legatario noceat, si constet de mente testatoris *l. 24. C. de Testam. et quemadm.*

QVAD

* vid. Praefidis Dissert. de Legato tacito et implicito.

QVAE cum ita sint, fauemus negotiis etiam IMPERFECTIS, per quae dominium uel ius reale alicui acquiri debet, si illa possint interpretatione sustineri. Opportune HERMOGENIANVS, legatum etiam non iure relictum, ait, VSVCAPÍ POSSE pro legato, si bona fide res fuerit possessa, quamuis ex titulo inutilis legati. *l. 9 D. pro Legato.* Hanc rationem semper uidetur secutus esse HERMOGENIANVS in definiendo iure VSVCAPIONIS, ut sufficiat quoque titulus imperfectus, in quo perfectum aliquod contineatur. Igitur, quamuis uenditio, DONATIONIS CAUSSA facta, non sit uera uenditio, tamen, si res tradita fuerit, ex HERMOGENIANI sententia quasi donata usucapietur *l. 6. D. pro Donato.* Quandoquidem enim, qui donationis causa uendidit, tacite donauit, et rem gratis ad alterum peruenire uoluit; ad usucapionem sufficere uisa est donatio implicita, quae uenditione illa tacite comprehenditur. Sed de hoc argumento capite proximo trademus.

Discedam ab hoc loco, si de testamento PARENTVM NVLLO ET INOFFICIOSO aliquid addidero, quod antea adiungere uolebam. Videlicet constat inter omnes, HEREDIS INSTITUTIONEM esse FVNDAMENTVM totius testamenti, quo sublato, necesse est, omnia ACCESSORIA supremæ uoluntatis corruere et INFIRMARI. Igitur, si per querelam nullitatis aut inofficiosi testamenti heredis institutio rescissa fuerit, subtili iure non solum heredis institutio, sed totum etiam testamentum quasi CADVCVM ET NVLLVM uim suam perderet, ut ne legata quidem deberentur. Sed Imperatoris benignitas effecit, ut legata nihil ominis consistant, quia ad officium liberorum pertineat, ut exsoluant legata; modo constiterit de PERFECTA ET ENIXA uoluntate testatoris, *Nov. cap. 3. seq.*

VI

ETIAM INTER VIVOS NEGOTIA
 QUAE CONSENSVM PARTIVM DESIDERANT
 SUBSISTVNT QUAMVIS IMPERFECTA SINT
 DVMMODO ALIQVID PERFECTI CONTINEANT
 IDEM IN CONTRACTIBVS IMAGINARIIS
 ET IVRE FORMVLARIO OBSERVATVR
 PRAESCRIPTIO PER CITATIONEM INTERRUPTIVR
 QUAMVIS LIBELLVS SIT INEPTVS.

SATIS diximus de SUPREMA VOLVNTATE, sed magis interest, ut de negotiis INTER VIVOS diligentius dispiciamus. Mortui enim illi facile ignoscent nobis, si quid praeter illorum voluntatem, cuius fructus ad ipsos non pertinet, constituamus, et heredes, qui ex arvis alienis messem capiunt, etiam modico lucro contenti esse possunt, quamvis minus, ac testator voluerit, ex obscuro eius testamento consequantur. Sed INTER VIVOS magis refert, ut negotia subsistant, de quorum prouentu ipsi gaudere possunt et ex quibus ipsi fructum aliquem utilitatis capiunt. Igitur haec quoque, quae INTER VIVOS gesta sunt, interpretatione, si fieri hoc possit, sustinemus atque confirmamus, ne prorsus irrita et caduca uideantur. Et primo quidem DECIVS ex PAPINIANI *Responsis* observauit, possessionem rerum donatarum efficaciter infantibus tradi posse. Quamvis enim possessio, non solum corpore, sed etiam ANIMO acquiri debeat, infans autem non habeat plenum ANIMI AFFECTVM; l. 3. *C. de acquir. uel retin. poss.* uisum tamen est sufficere, quod infantes plerumque malint rem, quam non intelligunt, habere quam amittere, qua voluntate, quamvis imperfecta, uidentur acquirere possessionem.

SED maxime in CONTRAHENDIS NEGOTIIS iuris interpretes aliquid fragilitati dandum esse censuerunt, ut etiam imperfecta negotia, quae rota et integra non subsistunt, ex parte illa, quae PERFECTAM SUBSTANTIAM accepit, ita subleuentur, ne NIHIL ACTVM esse uideatur. Res erit luculentior in exemplis. Igitur pauca attingemus. Et primo quidem, licet expeditum sit, quod nihil magis consensum perturbet, quam VIS et ERROR; tamen ne ERROREM quidem prorsus infirmare negotia placuit. Valer enim emptio, si de CORPORE uendito et de GENERE MATERIAE consentiamus, licet in QUALITATE SPECIALI materiae fuerit erratum. Ita PAVLLVS rem definit *l. 21. §. 2. D. de Act. empt. et uendit.* sed subtili quidem iure, quoties ERROR in quacunque parte interuenerit, negotium deberet infirmari, quod VLPIANVS ex MARCELLO monuit *l. 9. D. de Contrahend. empt.* Enim uero, si in praecipuis partibus uere consensimus, obtrinit, contractum sustineri, et errorem actione empti atque praestatione eius, quod interest, corrigi, nisi ipse emptor, ob insignem errorem, male sit discedere ab emptione *l. 11. §. 5. D. de Act. empti, et uendit.*

Imo uero longius processit benignitas interpretationis, ut sustineamus negotium, quamuis in IPSA SPECIE CONTRACTVS dissentiant illi, qui negotium susceperunt, modo in idem GENERE CONTRACTVS consensisse uideantur. Eleganter IULIANVS hoc tractauit in illa specie, si quis nummos redditurus QUARTO ANIMO DONANDI, sed TITIVS mox illos redditurus QUARTO SI MUTUOS acceperit, adeoque non conuenerit inter partes, ex qua causa nummi, ex mutuo an ex donatione, ad Titium translati sint. Sed IULIANVS ait, dominium nummorum ad Titium transiisse, cum partes consenserint in GENERE contractus. *l. 36. D. de Acquir. rer. dom.* Vterque enim in eo conueniunt, quod nummi liberaliter ex CONTRACTU BENEFICO ad Titium peruenire debeant, ex mutuo uel ex donato; quapropter non infirmum est negotium, quamuis illud subtili iure impugnari posse arbitretur VLPIANVS. *l. 18. D. de Reb. cred.*

credit. Sed de hoc argumento alio loco copiosius exposui.

EODEM pertinet, quod NOVATIO debiri, quamvis inutiliter facta et vitiosa sit, LIBERATIONEM prioris debitoris continere uideatur, quod supra obseruatum est §. 3 *Instit. quibus mod. tollit. oblig.* Nimirum possumus etiam inuitum et ignorantem NUDA VOLUNTATE liberare. l. 53. D. de solut. Sed qui NOVARE uult, id agit, ut priorem obligationem dimittat, nouam constituat. Igitur, quanquam noua obligatio sit irrita, tamen ualebit ut remissio debiti prioris, quae perfecta est, et nuda uoluntate fieri potest, atque ipsa nouatione continetur. Debitor ergo prior liberatur, nisi Praetor interueniat ex singulari causa aequitatis.

DE CESSIONE VSUSFRUCTVS antea diximus, quod NULLA sit, si extraneo cedatur; sed, quia tamen cessio illa RENUNCIATIONEM ususfructus continet, quae semper permixta est fructuario, cessio ususfructus UT RENUNCIATIO ualebit, quare ususfructus redibit ad dominum proprietatis. l. 15. D. Fam. ercisc. Sed de CESSIONE ACTIONIS ET HYPOTHECAE iudicialis interdum acrius disputatum est. Haec enim cessio nominis proprie est VENDITIO, continet autem etiam MANDATUM, quandoquidem cessionarius, UT PROCURATOR IN REM SUAM, non proprio, sed CEDENTIS, NOMINE agit, adeoque easdem exceptiones timere debet, quae cedenti efficaciter opponi possent. l. 66. §. 2. D. de Euid. Imo uero iure Saxonico Electorali sapientissime constitutum est, ut, si cessionarius ex iure cesso agat; non solum ipsi, sed etiam cedenti, in eadem lite iuramentum deferri possit, quasi ipse cedens litem instituerit per procuratorem suum. Ord. Proc. Sax. Recogn. Tit. 18 §. 6. At uero, ut diximus, res illa aliquando in controuersiam adducta est, an cessione hypothecae iudicialis inutili mandatum etiam contineatur.

D 2

uid. Praesidis dissertatio: de proprietate rei donatae ad eum, qui quasi mutuum accepit, transiente.

tur. Extraneus quidam creditor, iurisperitissimus, sed Iuris Saxonici immemor, fratri suo hypothecam iudicalem priuatum cesserat, hoc consilio, ut frater per Aduocatum suum debitum peteret et exigeret a debitore, utque ambages mandati specialis euitaret. Vere suberat mandatum, quod ex uerbis, ut frater debitum *NOMINE CEDENTIS* exigeret, et *sollte die Schuld an seine Statt eintreiben*, luculenter apparebat. Sed cessio hypothecae *NULLA ERAT*, cum haec quidem absque iudicis confirmatione non subsistat: quod in Saxonia Electorali lege speciali cautum est. *Ord. Proc. Sax. Rec. Tit. 46. § 2.* Interim debitor facultatibus lapsus conturbauerat. Orto *CONCURSU CREDITO- RUM*, cessionarius petebat debitum in termino liquidationis, quem dicunt. Curator litis excipiebat, *CESSIONEM PRIVATIM FACTAM OMNINO NULLAM ESSE*, hinc nec cessionario hypothecam competere, neque cedenti, qui iuri suo renunciauerit per inutilem cessionem hypothecae, et qui ipse certe debitum per mandatarium petere debuisset in termino liquidationis, in quo omnes creditores sub *POENA PRECLUSI* adesse iussi erant. Cessionarius replicabat, *HAC CESSIONE MANDATUM CONTINERI*, et, quamuis cessio nulla sit propter defectum confirmationis, tamen hanc cessionem ualeat *MANDATUM*, quod nullam confirmationem iudicis requirat. Res in ambiguum adducebatur. Enim uero, si *EX IURE COMMUNI* respondeamus, nisi aliud *LEGE PROVINCIALI* cautum sit, certius est, hanc *CESSIONEM VALERE UT MANDATUM*, et rem ita accipiendam esse, ac si creditor cedens ipse per mandatarium hypothecam suam allegauerit in termino liquidationis, ne iure suo excludatur. Est enim poena priuationis odiosa, neque, nisi speciatim ipsi legi adiecta sit, locum inuenire solet. Non obstat, quod *FRUCTUARIUS* ius suum amittat, si extraneo cedat usumfructum. Nimirum fructuarius, dum usumfructum extraneo cedit, *ALIAM PERSONAM* in locum suum *SUBSTITUIT CUM INCOMMODO* domini proprietatis; cum substitutus, integer forte et adolefscens, diu-
tius

tius usumfructum usque ad mortem suam retinere possit, quam primus fructuarius senex et infirmus. Igitur amittitur ususfructus per cessionem inutilem, ne dominus incommodo afficiatur. At vero, per cessionem hypothecae priuaram, conditio debitoris NON FIT DETERIOR, cum eadem cessionario exceptiones opponi possint, quae cedenti obstant. Quare, si nihil in fraudem legis gestum sit, facilius toleramus cessionem hypothecae quam usufructus, et poenam priuationis certe remittimus in negotio, quod fauorem aliquem meretur. In hac specie igitur CESSIO hypothecae INVILIS VALEBIT VT MANDATVM.

Eodem iure utimur in TRANSACTIONIBVS, quae iure subtili tunc demum uim suam habent, si DE RE DVBIA fuerit transactum. *l. 1. D. de Transact.* Qua re efficitur, ut de RE IUDICATA proprie transigere nequeamus; quandoquidem res iudicata tollit DVBITIONEM et CERTVM ALIQVID definit. *l. 32. C. de Transact.* Sed licet tamen uictori MINVS ACCIPERE, quam ipsi adiudicatum erat. Igitur, si uictor transegerit cum uicto, ut MINVS SOLVATUR, PARTEM debiti REMISSISS censebitur, et transactio inutilis ualebit ut PACTVM REMISSORIVM, quod TRANSACTIONE illa CONTINETVR et semper permisum est modesto creditori.

Res plus difficultatis habet in NVDIS ET IMAGINARIIS CONTRACTIBVS, ueluti, cum quis rem VENDIT pretio constituto, sed illud pretium se non exacturum esse promittit ANIMO DONANDI. Constat, VENDITIONEM NVLLAM esse, cum SVBSTANTIA huius contractus requiratur, ut res PRO PRETIO uendatur, et PAVLLVS doceat, rem nequidem ALIENARI PER IMAGINARIAM VENDITIONEM *l. 55. D. de Contrah. emt.* Possit igitur dubitari, an non hac uenditione, quamuis INVILIS, DONATIO contineatur quae sine pretio constituto perfecta est. Certius uidetur, si nihil in fraude legis gestum sit, uenditorem pretium

tium exigere non posse, cum exceptione REMISSIONIS sub-
moueri queat. Apposite enim HERMOGENIANVS monet:
l. 6. D. pro donato, DONATIONIS CAVSSA facta uenditione,
non pro emto, sed pro DONATO rem traditam VSVCAPI. Quae
cum ita sint, donatio continebitur imaginaria uenditione. To-
lerabantur hi contractus iure ueteri in emancipatione liberorum,
in testamentis per aes et libram, in dotis constitutione *l. 66.*
D. de iure dot. et quoties aequitas illud suggerebat. Nos quoque
in Geradae et Heergeuuettae uenditione, propter summum
huius negotii fauorem, non adeo scrupulosi sumus, quam-
uis uenditio illa imaginaria esse uideatur. Ausim igitur affir-
mare, PAVLLVM in *l. 55. D. de Contrah. emt.* in qua prorsus da-
mnat nudam et imaginariam uenditionem, de illa specie intel-
ligendum esse, si negotium in fraudem legis susceptum fuerit,
aut si partes non VERE CONSENSERINT in donationem, sed
NIHIL AGERE et nugari uoluerint imaginaria uenditione. Se-
cus igitur iudicandum est, si CONVENERIT inter partes, ut sit
donatio, et donator solo pallio atque inani titulo imaginariae
uenditionis rem texerit, forte ne heredes eius indignentur,
si uideant sibi aliquid eripi aperta et explicita donatione.

NON absurdum est illud, quod PROMISSIO FACTI ALIENI
REM IMPOSSIBILEM contineat, adeoque INUTILIS esse uideat-
ur, sed, si tamen POENA CONVENTIONALIS, cuius promissio
PER SE PERFECTA est, huic stipulationi adiecta sit, poena
peti possit ex INUTILI CONTRACTV, qui duas promissiones,
alteram facti alieni inutilem, alteram efficacem poenae stipu-
lationem continet, § 20. *Instis. de inutil. stipulat.*

Hoc igitur iure in contractibus utimur, ut etiam inutile
negotium ualeat, quod duplicem actum, alterum imperfectum,
alterum perfectum, continet, ut ex parte perfecta fructus ali-
quis sperari possit. De IVRE REFORMVLARIO, quod alias subtile
et scrupulosum est, tribus uerbis aliquid monebo. Constat,
in CRIMINALI iudicio, et quoties de poena delicti quaeritur,
LEV-

LEVTERATIONEM non admitti. Sed Leuteratio tamen continet speciem DEFENSIONIS, quae permessa est in quaestione delictorum. Saepe reorum Aduocati contra sententias, in quibus non solum causa civilis decisa est, sed etiam POENA delicti reis irrogata, LEVTERATIONIS REMEDIO uruntur, etiam ut poena MITIGETVR. Et obtinent mitigationem poenae, si argumenta graua adducant; cum Leuteratio, quantum ad delicti poenam attinet, pro defensione accipienda sit, quae nunquam fere reis denegatur.

EXTREMODE LIBELLO INEPTO constat, illum, quasi nunquam prolatus fuerit, pro NULLO et INVILIT haberi, neque efficere, ut IUS PRAEVENTIONIS AULITIS PENDENTIS allegari possit, quamuis iudex reum citauerit, ut respondeat ad ineptum et inutilem libellum. Sed INEPTO etiam libello actor declarat ANIMVM PERSEQVENDI IUS SVVM IN IVDICIO, et sufficit ad PRAESCRIPTIONIS INTERRUPTIONEM INTERPELLATIO IVDICIALIS, qua serio testamur, nos ius nostrum dimittere omnino noluisse, quamuis igitur libellus ineptus vim libelli plenam non habeat, tamen PRAESCRIPTIO per illum INTERRUPTVR, si aduersarius citatus fuerit a Magistratu. Sapientissime enim in Saxoniae Electoratu constitutum: Wann auch schon die Klage angebracht massen verworffen worden, soll dennoch die vorher ergangene Citation EFFECTVM INTERRUPTENDAE PRAESCRIPTIONIS, keines weges aber praeventionis et litis pendenciae, haben, *Ord. Proc. Saxon. Rec. Tit. 5. §. 4.*

HAEc igitur, de quibus adhuc disputauimus, vim quidem aliquam exerunt et fructum pariunt, sed tamen, ut antea monui, imperfecta atque etiam NULLA appellantur, quia non EXPLENT consilium illius, qui negotium suscepit. Elegantissime VELLEIUS PATERCVLVVS M. Antonium de caede Ciceronis frustra sibi plaudentem hac formula deridet: „NIHIL EGISTI, M. Anto-

• Velleius Paterculus Historiar. Rom. Lib. II. esp. 66.

„Antoni, NIHIL, inquam, EGISTI, mercedem coelestissimi
 „oris et clarissimi capitis abscissi numerando. RAPVISTI tu
 „M. Ciceroni lucem sollicitam et aetatem senilem et uitam
 „miseriorem te principe, quam sub te triumpho mortem:
 „famam uero gloriamque factorum atque dictorum adeo NON
 „ABSTVLISTI, VT AVXERIS. Viuit, uiuerque per omnem se-
 „culorum memoriam, omnisque posteritas illius in te scripta
 „mirabitur, tuum in eum factum execrabitur, citiusque mundo
 „genus hominum, quam laus eius, cadet.”

SED haec quidem de fructu et effectu negotii inutilis et
 imperfecti in mentem uenerunt. Plura
 addere non uacat.

